



Pou Piblikasyon Imedya: 30/8/2021

GOUVÈNÈ KATHY HOCHUL

**GOUVÈNÈ HOCHUL ANONSE INISYATIV 15 MILYON DOLA POU DRAGAJ
REJYONAL REDI A KONTINYE BATI REZILYANS NAN KOMINOTE TOUTOLON
LAKE ONTARIO**

Pwojè dragaj an pwogresyon nan Konte Orleans ak Wayne

**Yo seleksyone kanal navigasyon yo kòm pati nan yon pwogram dragaj an twa faz
ki enkli nan 300 milyon dola Inisyativ sou Rezilyans ak Developman Ekonomik**

Gouvènè Kathy Hochul annonse jodi a dragaj an pwogresyon nan Oak Orchard Harbor, yon kanal navigasyon nan Konte Orleans, kanotye yo konn itilize pou rive nan Lake Ontario. Limon, sab ak lòt debri ki melanje ansanm kapab lakoz zòn tankou Oak Orchard Harbor vin bouche pou plis tan. Pwojè dragaj la pral retire sediman ki melanje ansanm yo nan fon wout la pou pèmèt pasaj an sekirite bato pou soutni ekonomi touris la ak prezèv fón nan reyon an. Dragaj kanal navigasyon an fè pati yon Inisyativ Dragaj Rejyonal 15 milyon dola atravè [Rezilyans ak Inisyativ Developman Ekonomik](#) Eta a.

"Kominote toutolon Lake Ontario te oblige konbat avèk konsekans kondisyon meteyojik ekstrèm ak inondasyon yo pandan dènye ane yo epi New York ap fè tout sa k nan pouvwa li pou l ranfòse bò rivaj la ak asire nou pou n pa wè 2019 la repete", **Gouvènè Hochul te di**. "Lè nou antreprann kalte efò ak rezilyans sa yo, nou pa sèlman veye sou sekirite moun yo ak soulaje pwopriyetè kay bò rivaj la, men nou pwoteje tou fón ki nan zòn bò rivyè yo epi kontribye pou estimile touris lè nou kreye aksè rekreyatif ki sekirize pou kanotye yo."

Pwojè Oak Orchard Harbor a pral retire anviwon 8,400 yad kibik sediman lè yo itilize dragaj mekanik. Dragaj mekanik itilize ekipman ki lou, tankou ekskavatris pou fouye kote dlo a dòmi an epi apre retire eksè sediman ki melanje ansanm yo. Flòt dragaj pou pwojè Oak Orchard a gen ladan yon baj, ekskavatris ak de (2) chalan dechajab, yon remòkè ak yon bato travay tou pou sipòte tout operasyon an. Y ap mete sediman ki retire yo nan yon zòn bò rivaj yo deziyen nan direksyon lès pò a.

Komisè Biwo Sèvis Jeneral (Office of General Services) Ia, RoAnn Destito te di:
"Avèk soutyen ak lidèchip san kanpe Gouvènè Hochul, nou menm nan OGS n ap vanse pou pi devan avèk travay siyifikatif k ap fèt nan kad Inisyativ Rejyonal Dragaj REDI a. Travay ansanm ak patnè nan Leta, gouvènman federal, nan reyon an epi sektè prive a, efò nou yo ap pwofitab pou kanotye rekreyatif yo, sipòte ekonomi lokal yo, ak amelyore zòn fón yo ki toutolon gwo Lake Ontario ak St. Lawrence River."

Komisè Depatman Konsèvasyon Anviwònmantal Eta New York (New York State Department of Environmental Conservation) la ak Ko-Prezidan REDI a Basil Seggos te deklare:

"Kòmansman travay dragaj nan Oak Orchard Harbor jodi a make yon evènman enpòtan nan envestisman dirab ak amelyorasyon enfrastrikti Eta New York nan Konte Orleans k ap ranfòse pwoteksyon kominote ki toutolon bò rivaj Lake Ontario ak St. Lawrence River yo epi ede kominote New York yo rekonstwi pi solid, ak plis entèlijans, epi pi rezilyan. Ekip ekspè REDI Gouvènè Hochul la kontinye fè avanse pwojè dragaj yo ki amelyore navigasyon nan pò yo nan tout rejyon an."

Komisè Pak Leta yo Erik Kulleseid te deklare: "Pwojè dragaj sa yo pral yon gwo benefis navigasyon pou kominote bato rejyonal la, ki se eleman esansyèl nan ekonomi touris ak ekonomi rekreyatif Lake Ontario ak St. Lawrence River. Youn nan pwojè sa yo sezon sa a te pèmèt relouvèti ranp bato a nan Pak Leta Golden Hill ki nan Konte Niagara, ki te fèmen akoz akimilasyon sediman. Envestisman sa yo pral pote benefis k ap kontinye pandan ane k ap vini yo."

Gouvènè Hochul te anonse tou genyen de (2) pwojè dragaj adisyonèl ki an pwogresyon nan Konte Wayne. Pwojè Pultneyville Harbor a pral retire anviwon 4,000 yad kibik sediman ki soti nan kanal navigasyon federal la lè yo itilize dragaj mekanik. Flòt dragaj la gen ladan yon baj, yon ekskavatris sou baj la, de (2) chalan dechajab ak yon remòkè. Y ap mete sediman an nan yon zòn federal pou plasman lak ki louvri de (2) kilomèt nan nodès Sodus Bay. Pwojè Bear Creek Harbor a pral retire anviwon 600 yad kibik sediman ki soti nan wout navigab la. Dragaj kote sa a pral fèt an tandem avèk epi nan utilizasyon menm ekipman sit Pultneyville Harbor a. Y ap mete sediman ki drage soti nan pò a nan yon zòn lak ki defini nan direksyon lès pò a.

Senatè Robert Ortt te deklare: "Mwen felisite Eta New York ak Komisyón REDI Lake Ontario a paske yo idantifye ak abòde de fason trè aktiv pwoblèm dragaj pò nan vil yo ak pò toutolon rivaj nan direksyon sid Lake Ontario a. Pou anpil nan vil sa yo, pò yo se rezon ki kapab fè vil la siviv avèk yon pèspektiv ekonomik ak touristik, epi kapasite pou aksede ak pò sa yo esansyèl pou egzistans yo."

Senatè Pamela Helming te deklare: "Eta New York te fè gwo envestisman pou I ranfòse enfrastrikti lokal la ki esansyèl pou establite ak kwasans ekonomik kominote ki nan liy bò rivaj yo. Pwojè sa yo reprezante yon patenarya enpòtan ant konte ak vil nou yo, eta a, ak Komisyón REDI a. Mwen remèsyé tout moun ki te enplike yo pou travay di san relach ak angajman yo."

Palmantè Steve Hawley te deklare: "Pwojè dragaj REDI ak Orchard Harbor a ki rantre an pwoesisis se yon bon nouvèl pou rezidan kominote Carlton ak Lake Ontario an jeneral. L ap asire pò a pral kontinye pèmèt gwo bato pase an sekirite atravè li epi kontinye ogmante ekonomi rejyonal nou an."

Lynn Johnson, Prezidant Asanble Lejislatif Konte Orleans an te deklare: "Pandan n ap chache fason pou nou sipòte ak fè pwomosyon pou aktive rekreyativ toutolon liy bò rivaj Lake Ontario yo, dragaj Oak Orchard Harbor esansyèl pou bay aksè ak plis pase 400 glisad bato ak 6 chemen lansman nan pò a. Pwojè sa a Rezilyans ak

Inisyativ Developman Ekonomik Lake Ontario a demonstre angajman Gouvènè a pou kenbe aksè ak wout navigab yo ki kontribiye nan siksè pèch lokal la, aktivite bato ak touris nan Vil Carlton ak Konte Orleans."

Sipèvizè Vil Ontario, Frank Robusto: "Pwogram REDI a kontinye asiste minisipalite yo ki toutolon liy bò rivaj Lake Ontario a an preparasyon ak evènman inondasyon alavni yo. Dragaj nan Bear Creek pral asire pò a rete louvri ak an sekirite pou vizitè ak moun ki rele vil Ontario lakay yo. Nou rekonesan pou patenarya ki kontinye a avèk Eta a."

Jiska jodi a, Eta a reyalize nèf pwojè dragaj REDI ak retire anviwon 41,750 yad kibik sediman pou l bay kanotye rekreyatif aksè sekirize nan Lake Ontario ak St. Lawrence River. Pwojè dragaj ki reyalize a gen ladan Port Bay, Blind Sodus Bay ak East Bay nan Konte Wayne, Sandy Pond Inlet ak Salmon River/Port Ontario nan Konte Oswego, Irondequoit Bay ak Braddock Bay nan Konte Monroe, Little Sodus Bay nan Konte Cayuga, ak Golden Hill State Park nan Konte Niagara.

Atravè Faz I ak II, inisyativ dragaj la eseye rezoud dragaj nesesè jiska 20 pò kanal navigasyon. Lè pwojè a fini, yo prevwa drage plis pase 100,000 yad kibik sediman.

Sit inisyativ dragaj reyjonal alavni yo gen ladan:

- Konte Niagara: Olcott Harbor
- Konte Orleans: Johnson Creek
- Konte Monroe: Sandy Creek, Long Pond Outlet
- Konte Jefferson: Clayton French Creek Marina, Henderson "The Cut"
- Konte St. Lawrence: "Kanal pa Devan Vil," Ogdensburg, Kanal navigasyon Morristown

Pandan faz III a, Eta a pral bay konte yo enfòmasyon yo bezwen pou mete ajou, elaji ak aplike Plan Jesyon Dragaj Reyjonal ki egziste a pou kenbe kanal yo operasyonèl pandan tan an ap pase.

Pou reponn ak chema inondasyon pwolonje toutolon rivaj Lake Ontario ak St. Lawrence River yo, REDI te kreye pou ogmante rezilyans kominate bò rivaj yo epi estimile devlopman ekonomik nan reyon an. Yo te etabli senk (5) Komite Planifikasyon Reyjonal (Regional Planning Committees) REDI yo, ki gen reprezantan ki soti nan uit (8) Konte Niagara ak Orleans, Monroe, Wayne, Cayuga ak Oswego, ak Jefferson ak St. Lawrence pou idantifye priyorite lokal yo, enfrastrikti ki gen risk ak lòt resous yo, ak enkyetid konsènan sekirite piblik la.

Komisyon REDI a te atribye 20 milyon dola pou bay pwopriyetè kay yo asistans, 30 milyon dola pou amelyore rezilyans biznis yo, ak 15 milyon dola pou yon efò dragaj reyjonal ke chak nan uit (8) konte nan reyon REDI yo ap benefisyé. Yo te atribye balans 235 milyon dola ki rete a, bay pwojè lokal ak reyjonal ki fè avanse epi montre egzanp misyon REDI a.

Pou enfòmasyon adisyonèl sou Plan Dragaj Rejyonal REDI a, pwofil pwojè ak nouvèl sou REDI, klike [la a.](#)

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)